

Draft Release Version

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

प्रथम काण्डे प्रथमः प्रश्नः

Table of Contents

1	कृष्ण यजुर्वेदीय तैत्तिरीय संहिता क्रम पाठः.....	7
1.1	प्रथम काण्डे प्रथमः प्रश्नः – क्रम पाठं 1.1	7

=====

Introduction and Notes

This Taittireeya Samhita Krama Paata book is being compiled for the benefit of Veda Students for learning, with no commercial purpose. There will be 44 volumes, one book/volume for each Prasna (Subject). This book is being published in Sanskrit, Tamil and Malayalam languages.

These books are, strictly, for learning under the guidance of a qualified Vedic Guru and not meant for self-learning.

We thank our guides, **Shri Ganapathy Sharma and Shri Subramania Sharma**, with our namaskarams, who inspired us to compile this book.

We would like to thank the well wishers who provided basic English coded files and also a Well Wisher who provided us with the Source Reference Book

Sources of reference:

There is one known source of Krama Paatam published by Your Family Friend Printers authored by Great Vedic Scholar Shri G.K. Seetharaman. This book has been mainly referred for our compilation.

1. In addition, the generated Krama Vaakyams have been checked for Grammar by one Well Wisher
2. The book referred above was not easily available and one well-wisher from Kolkata has given/lent his set of seven books for this Compilation Project.

-
3. Pada Paatam available in the books published containing the works of Shri Sayanacharya and Shri Bhaskara Bhatta Misra have been also referred to.

Conventions/Symbols used in this book:

We have followed the normal conventions for gm, gg, avagraham, Anunaasikam as in other books that have been released.

1. The Kramam is provided Panchati wise, though it is rendered Anuvaakam wise. Each Panchati is numbered with four-level numbering as followed in Samhita and Pada Paatam.
2. At the end of each Panchati the continuous serial number of the Panchati in that Prasna has been provided.
3. In the brackets, we have given the count of Padam and the Krama Vaakyams in that Panchati for reference. The Krama Vaakyam count has been made electronically and cross verified once more. For example, numbers in bracket are **(50/57)**, this would indicate that there are **50 Padams** and **57 Krama vaakyams** (statements).
4. The Krama Vaakyams are not given in two column table as it would occupy very high number of pages.
5. The **50th Padam** which is referred in the Korvai, (of the last ending Panchati of an anuvaakam) is indicated with () bracket symbol.
6. When a Panchati ends, the first Padam of the next Panchati is included in the ending Panchati since the Kramam is rendered continuously.
7. Space has been provided between Padams ending in Hard Consonant Halants to indicate distinction of two Padams. But they

may have to be rendered together. Kindly follow the **teachings of your learned Guru** for rendering.

8. Our effort is mainly to make reading easier.
9. Kindly provide your valuable comments, feedback and report errors to our email id – “**vedavms@gmail.com**”

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

1 कृष्ण यजुर्वेदीय तैत्तिरीय संहिता क्रम पाठः

1.1 प्रथम काण्डे प्रथमः प्रश्नः – दर्शपूर्णमासौ

T.S.1.1.1.1 - Kramam

इ॒षे त्वा॑ । त्वो॒र्जे । ऊ॒र्जे त्वा॑ । त्वा वा॒यवः॑ । वा॒यवः॑ स्थ ।
स्थो पा॒यवः॑ । उपा॒यवः॑ स्थ । उपा॒यव इत्यु॑प – आ॒यवः॑ । स्थ दे॒वः ।
दे॒वो वः॑ । वः स॒विता । स॒विता प्र । प्रा॒र्पय॑तु । अ॒र्पय॑तु श्रेष्ठ॑त॒माय॑ ।
श्रेष्ठ॑त॒माय॑ क॒र्मणे॑ । श्रेष्ठ॑त॒मायेति॑ श्रेष्ठ॑ – त॒माय॑ । क॒र्मण॑ आ ।
आप्या॑यद्ध्वम् । प्या॑यद्ध्वम॒घ्नियाः॑ । अ॒घ्निया॑ दे॒वभा॒गम् ।
दे॒वभा॒गमूर्ज॑स्व॒तीः । दे॒वभा॒गमिति॑ दे॒व – भा॒गम् । ऊ॒र्जस्व॒तीः
पय॑स्व॒तीः । पय॑स्व॒तीः प्र॒जाव॑तीः । प्र॒जाव॑तीर॒नमी॒वाः । प्र॒जाव॑तीरिति॑
प्र॒जा – व॑तीः । अ॒नमी॒वा अ॒यक्ष्माः॑ । अ॒यक्ष्मा॑ मा । मा वः॑ ।
वः स्ते॒नः । स्ते॒न ई॒शत॑ । ई॒शत॑ मा । माऽघ॑श॒ऽसः । अ॒घश॑ऽसो
रु॒द्रस्य॑ । अ॒घश॑ऽस इत्य॒घ – श॒ऽसः । रु॒द्रस्य॑ हे॒तिः । हे॒तिः परि॑ ।
परि॑ वः । वो वृ॒णक्तु॑ । वृ॒णक्तु॑ ध्रु॒वाः । ध्रु॒वा अ॒स्मिन् ।

अ॒स्मिन् गो॑पतौ । गो॑पतौ स्या॒त । गो॑पता॒विति गो॑ - प॒तौ ।
 स्या॒त ब॒ह्वीः । ब॒ह्वीर् यज॑मानस्य । यज॑मानस्य प॒शून् । प॒शून् पा॑हि ।
 पा॒हीति पा॑हि ॥ 1 (43/49)

(इ॒षे-त्रि॑च॒त्वारि॑ंशत्) (A1)

T.S.1.1.2.1 - Kramam

य॒ज्ञस्य॑ घो॒षत् । घो॒षद॑सि । अ॒सि प्र॑त्युष्टम् । प्र॑त्युष्टं र॒क्षः ।
 प्र॑त्युष्टमि॒ति प्र॑ति - उ॒ष्टम् । र॒क्षः प्र॑त्युष्टाः । प्र॑त्युष्टा अ॒रा॒तयः॑ ।
 प्र॑त्युष्टा इति॑ प्र॒ति - उ॒ष्टाः । अ॒रा॒तयः॑ प्र । प्रे॒यम् । इ॒यम॑गात् ।
 अ॒गा॒द्धि॒षणा॑ । धि॒षणा॑ ब॒र्हिः । ब॒र्हि॒रच्छ॑ । अ॒च्छ म॑नु॒ना । म॑नु॒ना
 कृ॒ता । कृ॒ता स्व॒धया॑ । स्व॒धया॑ वि॒त॒ष्टा । स्व॒धये॑ति स्व - ध॒या ।
 वि॒त॒ष्टा ते॑ । वि॒त॒ष्टेति॑ वि - त॒ष्टा । त आ॑ । आ वह॑न्ति । वह॑न्ति
 क॒वयः॑ । क॒वयः॑ पु॒रस्ता॑त् । पु॒रस्ता॑द्दे॒वेभ्यः॑ । दे॒वेभ्यो॑ जु॒ष्टम् ।
 जु॒ष्टमि॒ह । इ॒ह ब॒र्हिः । ब॒र्हि॒रा॒सदे॑ । आ॒सदे॑ दे॒वाना॑म् । आ॒सद॑
 इ॒त्या - स॑दे । दे॒वाना॑म् परि॒षूत॑म् । परि॒षूत॑म॒सि । परि॒षूत॑मि॒ति
 परि॑ - सू॒तम् । अ॒सि व॒र्षवृ॑द्धम् । व॒र्षवृ॑द्धम॒सि ।
 व॒र्षवृ॑द्धमि॒ति व॒र्ष - वृ॑द्धम् । अ॒सि दे॒वब॒र्हिः । दे॒वब॒र्हिर्मा॑ ।

प्रथम काण्डे-प्रथमः प्रश्नः-(TS 1.1)

दे॒व॒ब॒र्हि॒रिति॑ दे॒व - ब॒र्हिः॑ । मा॒ त्वा॑ । त्वा॒ऽन्वक् । अ॒न्व॒ङ्मा ।
मा॒ ति॒र्यक् । ति॒र्यक्,प॒र्व । प॒र्व ते॑ । ते॒ रा॒द्ध्य॒ास॒म् । रा॒द्ध्य॒ास॒मा॒च्छे॒त्ता ।
आ॒च्छे॒त्ता ते॑ । आ॒च्छे॒त्ते॒त्या - छे॒त्ता । ते॒ मा । मा॒ रि॒षम् । रि॒षम्
दे॒व॒ब॒र्हिः॑ । दे॒व॒ब॒र्हिः॑ श॒त॒व॒ल्.श॒म् । दे॒व॒ब॒र्हि॒रिति॑ दे॒व-ब॒र्हिः॑ ।
श॒त॒व॒ल्.शं॑ वि॒ । श॒त॒व॒ल्.श॒मिति॑ श॒त - व॒ल्.श॒म् । वि॒ रो॒ह ।
रो॒ह स॒ह॒स्र॒व॒ल्.शाः॑ । स॒ह॒स्र॒व॒ल्.शा॑ वि॒ ।
स॒ह॒स्र॒व॒ल्.शा॑ इति॑ स॒ह॒स्र - व॒ल्.शाः॑ । 2 (50/62)

T.S.1.1.2.2 - Kramam

वि॒ व॒यम् । व॒यं रु॒हेम॑ । रु॒हेम॑ पृ॒थि॒व्याः । पृ॒थि॒व्याः स॒म्पृ॒चः ।
सं॒पृ॒चः पा॒हि । सं॒पृ॒च इति॑ सं - पृ॒चः । पा॒हि सु॒सं॒भृता॑ ।
सु॒सं॒भृता॑ त्वा । सु॒सं॒भृते॒ति सु - सं॒भृता॑ । त्वा॒ स॒म् । सं॒भ॒रामि॑ ।
भ॒राम्य॑दि॒त्यै । अ॒दि॒त्यै रा॒स्ना । रा॒स्नाऽसि॑ । अ॒सी॒न्द्रा॒ण्यै । इ॒न्द्रा॒ण्यै
स॒न्न॒ह॒नम् । स॒न्न॒ह॒नम् पू॒षा । स॒न्न॒ह॒नमि॒ति सं - न॒ह॒नम् । पू॒षा ते॑ ।
ते॒ ग्र॒न्थि॒म् । ग्र॒न्थि॒म् ग्र॒थ्नातु॑ । ग्र॒थ्नातु॑ सः । स ते॑ । ते॒ मा ।
मा॒ ऽऽ॒स्थात् । आ॒ स्थात् । स्था॒दि॒न्द्र॒स्य । इ॒न्द्र॒स्य त्वा ।
त्वा॒ बा॒हु॒भ्याम् । बा॒हु॒भ्यामु॒त् । बा॒हु॒भ्यामि॒ति बा॒हु - भ्याम् । उ॒द्य॒च्छे॑ ।

य॒च्छे बृ॒हस्प॑तैः । बृ॒हस्प॑ते॒र्, मू॒र्ध्ना॑ । मू॒र्ध्ना॑ ह॒रामि॑ । ह॒राम्यु॑रु ।
 उ॒र्वन्त॑रि॒क्षम् । अ॒न्तरि॑क्ष॒मनु॑ । अ॒न्वि॒हि । इ॒हि दे॒वङ्ग॑मम् । दे॒वङ्ग॑म॒मसि॑ ।
 दे॒वङ्ग॑ममि॒ति दे॒वम् - ग॒मम् । अ॒सीत्य॑सि ॥ 3 (38/43)

(सहस्रवल्शा-अष्टात्रिंशच्च) (A2)

T.S.1.1.3.1 - Kramam

शु॒न्ध॒ध्वम् दै॒व्याय॑ । दै॒व्याय॑ क॒र्मणे॑ । क॒र्मणे॑ दे॒वय॑ज्यायै ॥
 दे॒वय॑ज्यायै मा॒तरि॑श्चनः । दे॒वय॑ज्याया इति॑ दे॒व - य॒ज्यायै॑ ॥
 मा॒तरि॑श्चनो घ॒र्मः । घ॒र्मोऽसि॑ । अ॒सि द्यौः॑ । द्यौ॒रसि॑ । अ॒सि पृ॑थि॒वी ।
 पृ॒थि॒व्यसि॑ । अ॒सि वि॒श्वधा॑याः । वि॒श्वधा॑या अ॒सि । वि॒श्वधा॑या इति॑
 वि॒श्व - धा॑याः । अ॒सि प॒रमे॑ण । प॒रमे॑ण धा॒म्ना ॥ धा॒म्ना दृ॒ह॒स्व ।
 दृ॒ह॒स्व मा॑ । मा॒ ह्वाः॑ । ह्वा॒र् व॒सूना॑म् । व॒सूना॑म् प॒वित्र॑म् ।
 प॒वित्र॑मसि । अ॒सि श॒तधा॑रम् । श॒तधा॑रं व॒सूना॑म् । श॒तधा॑रमि॒ति
 श॒त - धा॑रम् । व॒सूना॑म् प॒वित्र॑म् । प॒वित्र॑मसि । अ॒सि स॒हस्र॑धा॒रम् ।
 स॒हस्र॑धा॒रं हु॒तः । स॒हस्र॑धा॒रमि॒ति स॒हस्र॑ - धा॒रम् । हु॒तः स्तो॒कः ।
 स्तो॒को हु॒तः । हु॒तो द्र॒प्सः॑ । द्र॒प्सोऽग्न॑यै ॥ अ॒ग्नये॑ बृ॒हते॑ ।
 बृ॒हते॑ ना॒काय॑ । ना॒काय॑ स्वा॒हा ॥ स्वा॒हा द्या॒वापृ॑थि॒वीभ्या॑म् ।

प्रथम काण्डे-प्रथमः प्रश्नः-(TS 1.1)

द्या॒वापृ॒थि॒वी॒भ्या॑ꣳ सा । द्या॒वापृ॒थि॒वी॒भ्या॑मि॒ति द्या॒वा - पृ॒थि॒वी॒भ्या॑म् ।
सा वि॒श्वायुः॑ । वि॒श्वायुः॑ सा । वि॒श्वायु॑रि॒ति वि॒श्व - आ॒युः ।
सा वि॒श्वव्य॑चाः । वि॒श्वव्य॑चाः सा । वि॒श्वव्य॑चा इति॑ वि॒श्व - व्य॑चाः ।
सा वि॒श्वक॑र्मा । वि॒श्वक॑र्मा सम् । वि॒श्वक॑र्मेति॑ वि॒श्व - क॑र्मा ।
संपृ॑च्य॒द्ध्वम् । पृ॒च्य॒द्ध्वमृ॒ताव॑रीः । ऋ॒ताव॑रीरु॒र्मिणीः॑ ।
ऋ॒ताव॑रीरि॒त्यृत॑ - व॒रीः । ऊ॒र्मिणी॑र् मधु॒मत्त॑माः । मधु॒मत्त॑मा म॒न्द्राः ।
मधु॒मत्त॑मा इति॑ मधु॒मत् - त॒माः । म॒न्द्रा ध॑नस्य । ध॑नस्य सा॒तये॑ ।
सा॒तये॑ सोमे॒न () । सोमे॒न त्वा । त्वा । आ त॑न॒च्मि । त॒नच्मी॑न्द्रा॒य ।
इन्द्रा॒य दधि॑ । दधि॑ वि॒ष्णो॑ । वि॒ष्णो॑ ह॒व्यम् । वि॒ष्णो॑ इति॑ वि॒ष्णो॑ ।
ह॒व्यꣳ रक्ष॑स्व । रक्ष॑स्वेति॑ रक्ष॑स्व ॥ 4 (58/69)

(सोमे॑-नाष्टौ च) (A3)

T.S.1.1.4.1 - Kramam

क॑र्म॒णे वा॑म् । वा॑म् दे॒वेभ्यः॑ । दे॒वेभ्यः॑ श॒केय॑म् । श॒केयं॑ वै॒षाय॑ ।
वै॒षाय॑ त्वा । त्वा प्र॒त्युष्ट॑म् । प्र॒त्युष्टꣳ रक्षः॑ ।
प्र॒त्युष्ट॑मि॒ति प्र॒ति - उ॒ष्टम् । रक्षः॑ प्र॒त्युष्टाः॑ । प्र॒त्युष्टा॑ अ॒रात॑यः ।
प्र॒त्युष्टा॑ इति॑ प्र॒ति - उ॒ष्टाः॑ । अ॒रात॑यो धूः । धू॑र॒सि । अ॒सि धू॑र्व ।

धूर्व॑ धूर्व॑न्तम् । धूर्व॑न्तम् धूर्व॑ । धूर्व॑ तम् । तं यैः॑ । योऽस्मान् ।
 अस्मान् धूर्व॑ति । धूर्व॑ति तम् । तम् धूर्व॑ । धूर्व॑ यम् । यं वयम् ।
 वयम् धूर्वा॑मः । धूर्वा॑मस्त्वम् । त्वम् देवाना॑म् । देवाना॑मसि ।
 असि सस्नि॑तमम् । सस्नि॑तमम् पप्रि॑तमम् । सस्नि॑तममिति
 सस्नि॑ - तमम् । पप्रि॑तमम् जुष्ट॑तमम् । पप्रि॑तममिति पप्रि॑ - तमम् ।
 जुष्ट॑तमं वहि॑तमम् । जुष्ट॑तममिति जुष्ट॑ - तमम् । वहि॑तमम्
 देव॑हूतमम् । वहि॑तममिति वहि॑ - तमम् । देव॑हूतममहु॑तम् ।
 देव॑हूतममिति देव॑ - हूतमम् । अहु॑तमसि । असि हवि॑र्ध्वान॑म् ।
 हवि॑र्ध्वान॑म् दृ॒ह॑स्व । हवि॑र्ध्वान॑मिति हविः॑ - धानम् । दृ॒ह॑स्व मा ।
 मा ह्वाः॑ । ह्वा॒र्मि॒त्रस्य॑ । मि॒त्रस्य॑ त्वा । त्वा चक्षु॑षा । चक्षु॑षा प्र । प्रेक्षे॑ ।
 ईक्षे॑ मा । मा भेः॑ । भेर्मा॑ । मा सम् । सम् वि॑क्थाः । वि॑क्था मा ।
 मा त्वा॑ । त्वा हि॑सिषम् । 5 (50/58)

T.S.1.1.4.2 - Kramam

हि॑सिष॒मुरु॑ । उ॒रु वा॑ताय । वा॑ताय दे॒वस्य॑ । दे॒वस्य॑ त्वा । त्वा
 स॒वि॒तुः । स॒वि॒तुः प्र॒सवे॑ । प्र॒सवे॑ ऽश्वि॒नौः । प्र॒सव॑ इति प्र - सवे ।
 अ॒श्वि॒नोर् बा॒हुभ्या॑म् । बा॒हुभ्या॑म् पू॒ष्णः । बा॒हुभ्या॑मिति बा॒हु - भ्या॑म् ।

प्रथम काण्डे-प्रथमः प्रश्नः-(TS 1.1)

पू॒ष्णो ह॒स्ताभ्याम् । ह॒स्ताभ्याम॒ग्नये॑ । अ॒ग्नये॑ जु॒ष्टम् । जु॒ष्टन्निः ।
निर्व॑पामि । वपा॒म्यग्नी॒षोमा॑भ्याम् । अ॒ग्नीषो॒माभ्या॑मिदम् ।
अ॒ग्नीषो॒माभ्या॑मित्य॒ग्नी - सोमा॑भ्याम् । इ॒दम् दे॒वाना॑म् ।
दे॒वाना॑मिदम् । इ॒दमु॑ । उ॒ नः । नः॑ सह । सह॒स्फात्यै॑ । स्फा॒त्यै त्वा॑ ।
त्वा॒ न । ना॒रात्यै॑ । अ॒रात्यै॑ सु॒वः । सु॒वर॑भि । अ॒भि वि॑ । वि॒ख्येष॑म् ।
ख्ये॒षं वै॒श्वान॑रम् । वै॒श्वान॑रम् ज्योतिः । ज्योति॑र् दृ॒हन्ता॑म् ।
दृ॒हन्ता॑म् दुर्याः । दुर्या॑ द्यावा॒पृथि॒व्योः । द्यावा॒पृथि॒व्योरु॑रु ।
द्यावा॒पृथि॒व्योरिति॑ द्यावा॒ - पृथि॒व्योः । उ॒र्वन्त॑रिक्षम् । अ॒न्तरि॑क्षम॒नु ।
अ॒न्विहि॑ । इ॒ह्यदि॑त्याः । अ॒दि॒त्यास्त्वा॑ । त्वो॒पस्थे॑ । उ॒पस्थे॑ सा॒दयामि॑ ।
उ॒पस्थ॑ इ॒त्युप॑ - स्थे॒ । सा॒दया॑म्य॒ग्ने । अ॒ग्ने ह॒व्यम् ।
ह॒व्यं र॑क्षस्व । र॒क्षस्वे॑ति र॒क्षस्व ॥ 6 (46/51)

(मा त्वा-षट्चत्वारिंशच्च) (A4)

T.S.1.1.5.1 - Kramam

दे॒वो वः॑ । वः॑ स॒विता॑ । स॒वितो॑त् । उ॒त्पु॑नातु । पु॒नात्व॑च्छि॒द्रेण॑ ।
अ॒च्छि॒द्रेण॑ प॒वित्रे॑ण । प॒वित्रे॑ण व॒सोः॑ । व॒सोः॑ सूर्य॑स्य । सूर्य॑स्य
र॒श्मिभिः॑ । र॒श्मिभि॑रापः । र॒श्मिभि॑रिति॑ र॒श्मि - भिः॑ । आ॒पो दे॒वीः ।

दे॒वीर॒ग्रे॒पुवः॑ । अ॒ग्रे॒पुवो॑ अ॒ग्रे॒गुवः॑ । अ॒ग्रे॒पुव॑ इ॒त्यग्रे॑ – पु॒वः ।
 अ॒ग्रे॒गुवोऽग्रे॑ । अ॒ग्रे॒गुव॑ इ॒त्यग्रे॑ – गु॒वः । अ॒ग्र इ॒मम् । इ॒मं य॑ज्ञम् ।
 य॒ज्ञम् न॑यत । न॒यता॒ग्रे । अ॒ग्रे य॑ज्ञप॒तिम् । य॒ज्ञप॒तिम् ध॑त्त ।
 य॒ज्ञप॒तिमि॑ति य॒ज्ञ – प॒तिम् । ध॑त्त यु॒ष्मान् । यु॒ष्मानि॑न्द्रः ।
 इन्द्रोऽवृ॑णीत । अ॒वृणी॑त वृ॒त्रतू॑र्ये । वृ॒त्रतू॑र्ये यू॒यम् । वृ॒त्रतू॑र्य इति॑
 वृ॒त्र – तू॑र्ये । यू॒यमि॑न्द्रम् । इन्द्र॑मवृ॒णीद्ध्व॑म् । अ॒वृणी॑द्ध्वम् वृ॒त्रतू॑र्ये ।
 वृ॒त्रतू॑र्ये प्रो॒क्षिताः॑ । वृ॒त्रतू॑र्य इति॑ वृ॒त्र – तू॑र्ये । प्रो॒क्षिताः॑ स्थ ।
 प्रो॒क्षिता॑ इति॑ प्र – उ॒क्षिताः॑ । स्था॒ग्नये॑ । अ॒ग्नये॑ वः । वो जु॒ष्टम् ।
 जु॒ष्टम् प्र । प्रो॒क्ष्यामि॑ । उ॒क्ष्याम्य॒ग्नीषो॑मा॒भ्याम् ।
 अ॒ग्नीषो॑मा॒भ्यां शु॒न्धद्ध्व॑म् । अ॒ग्नीषो॑मा॒भ्यामि॒त्यग्नी॑-सो॒मा॒भ्याम् ।
 शु॒न्धद्ध्व॑म् दै॒व्याय॑ । दै॒व्याय॑ क॒र्मणे॑ । क॒र्मणे॑ दे॒वय॑ज्यायै ।
 दे॒वय॑ज्याया अव॑धूतम् । दे॒वय॑ज्याया इति॑ दे॒व – य॑ज्यायै । अव॑धूतं
 रक्षः॑ । अव॑धूतमि॒त्यव॑ – धू॒तम् । रक्षोऽव॑धूताः । अव॑धूता अ॒रात॑यः ।
 अव॑धूता इ॒त्यव॑ – धू॒ताः । अ॒रात॑योऽदि॒त्याः । अदि॒त्यास्त्वक् ।
 त्वग॑सि । अ॒सि प्र॑ति । प्र॑ति त्वा । त्वा पृ॒थि॒वी । 7 (50/61)

T.S.1.1.5.2 - Kramam

पृ॒थि॒वी वे॒त्तु । वे॒त्त्व॒धि॒ष॒व॒ण॒म् । अ॒धि॒ष॒व॒ण॒म॒सि । अ॒धि॒ष॒व॒ण॒मि॒त्य॒धि॒
 - स॒व॒न॒म् । अ॒सि॒ वा॒न॒स्प॒त्य॒म् । वा॒न॒स्प॒त्य॒म् प्र॒ति । प्र॒ति त्वा ।
 त्वा ऽ॒दि॒त्याः । आ॒दि॒त्या॒स्त्वक् । त्व॒ग्वे॒त्तु । वे॒त्व॒ग्नेः । अ॒ग्ने॒स्त॒नूः ।
 त॒नूर॑सि । अ॒सि वा॒चः । वा॒चो वि॒स॒र्ज॒न॒म् । वि॒स॒र्ज॒न॒म् दे॒व॒वी॒त॒ये ।
 वि॒स॒र्ज॒न॒मि॒ति वि - स॒र्ज॒न॒म् । दे॒व॒वी॒त॒ये त्वा । दे॒व॒वी॒त॒य इति॑
 दे॒व - वी॒त॒ये । त्वा गृ॒ह्णामि॑ । गृ॒ह्णाम्य॒द्रिः । अ॒द्रि॒र॒सि ।
 अ॒सि वा॒न॒स्प॒त्यः । वा॒न॒स्प॒त्यः सः । स इ॒द॒म् । इ॒द॒म् दे॒वे॒भ्यः ।
 दे॒वे॒भ्यो ह॒व्यम् । ह॒व्यं सु॒श॒मि । सु॒श॒मि श॒मिष्व॑ । सु॒श॒मीति॑
 सु - श॒मि । श॒मिष्वे॒ष॒म् । इ॒ष मा । आ व॒द । व॒दोर्ज॑म् । ऊ॒र्ज॒मा ।
 आ व॒द । व॒द द्यु॒मत् । द्यु॒मद्व॑दत् । द्यु॒मदि॑ति द्यु - मत् । व॒द॒त व॒यम् ।
 व॒यं स॒ङ्घा॑तम् । स॒ङ्घा॑तम् जे॒ष्म । स॒ङ्घा॑तमि॒ति स॒म् - घा॑तम् ।
 जे॒ष्म व॒र्ष॒वृ॒द्धम् । व॒र्ष॒वृ॒द्ध॒म॒सि । व॒र्ष॒वृ॒द्ध॒मि॒ति व॒र्ष - वृ॒द्धम् ।
 अ॒सि प्र॒ति । प्र॒ति त्वा । त्वा व॒र्ष॒वृ॒द्धम् । व॒र्ष॒वृ॒द्धं वे॒त्तु ।
 व॒र्ष॒वृ॒द्ध॒मि॒ति व॒र्ष - वृ॒द्धम् । वे॒त्तु प॒रा॒पू॒त॒म् । प॒रा॒पू॒तं र॒क्षः ।
 प॒रा॒पू॒त॒मि॒ति प॒रा - पू॒त॒म् । र॒क्षः प॒रा॒पू॒ताः । प॒रा॒पू॒ता अ॒रा॒त॒यः ।

तैत्तिरीय संहिता क्रम पाठे (TS 1.1)

परा॑पू॒ता इति॑ परा॑ – पू॒ताः । अरा॑तयो रक्ष॑साम् । रक्ष॑साम् भा॒गः () ।
भा॒गोऽसि॑ । अ॒सि वा॒युः । वा॒युर् वः॑ । वो॒ वि । वि वि॑नक्तु । वि॒नक्तु
दे॒वः । दे॒वो वः॑ । वः स॒विता । स॒विता हि॑रण्यपा॒णिः । हि॑रण्यपा॒णिः
प्रति॑ । हि॑रण्यपा॒णिरिति॑ हि॒रण्य – पा॒णिः । प्रति॑गृह्णातु ।

गृ॒ह्णात्विति॑ गृह्णातु ॥ 8 (61/72)

(त्वा – भा॒ग – ए॒काद॑श च) (A5)

T.S.1.1.6.1 - Kramam

अव॑धू॒तं रक्षः॑ । अव॑धू॒तमित्य॑व – धू॒तम् । रक्षो॑ ऽव॑धू॒ताः ।
अव॑धू॒ता अरा॑तयः । अव॑धू॒ता इत्य॑व – धू॒ताः । अरा॑तयोऽदि॒त्याः ।
अदि॒त्यास्त्वक् । त्वग॑सि । अ॒सि प्रति॑ । प्रति॑ त्वा । त्वा पृ॒थि॒वी ।
पृ॒थि॒वी वे॑त्तु । वे॑त्तु दि॒वः । दि॒वः स्क॑म्भ॒निः । स्क॑म्भ॒निर॑सि ।
अ॒सि प्रति॑ । प्रति॑ त्वा । त्वाऽदि॒त्याः । अदि॒त्यास्त्वक् । त्वग्वे॑त्तु ।
वे॑त्तु धि॒षणा॑ । धि॒षणा॑ऽसि । अ॒सि पर्व॑त्या । पर्व॑त्या प्रति॑ । प्रति॑ त्वा ।
त्वा दि॒वः । दि॒वः स्क॑म्भ॒निः । स्क॑म्भ॒निर्वे॑त्तु । वे॑त्तु धि॒षणा॑ ।
धि॒षणा॑ऽसि । अ॒सि पार्व॑तेयी । पार्व॑तेयी प्रति॑ । प्रति॑ त्वा । त्वा पर्व॑तिः ।
पर्व॑तिर्वे॑त्तु । वे॑त्तु दे॒वस्य॑ । दे॒वस्य॑ त्वा । त्वा स॒वितुः॑ । स॒वितुः॑ प्र॒सवे॑ ।

प्रथम काण्डे-प्रथमः प्रश्नः-(TS 1.1)

प्र॒सवे॑ऽश्विनोः॑ । प्र॒सव॑ इति॑ प्र - स॒वे । अ॒श्विनो॑र् बा॒हुभ्या॑म् ।
बा॒हुभ्या॑म् पू॒ष्णः । बा॒हुभ्या॑मिति॑ बा॒हु - भ्या॑म् । पू॒ष्णो ह॒स्ताभ्या॑म् ।
ह॒स्ताभ्या॑मधि॑ । अधि॑ व॒पामि॑ । व॒पामि॑ धा॒न्यम् । धा॒न्यम॑सि । अ॒सि
धि॒नुहि॑ । धि॒नुहि॑ दे॒वान् । दे॒वान् प्रा॑णाय॑ () । प्रा॑णाय॑ त्वा । प्रा॑णायेति॑
प्र - अ॒नाय॑ । त्वाऽप॑नाय॑ । अ॒पना॑य॑ त्वा । अ॒पना॑येत्य॑प - अ॒नाय॑ ।
त्वा व्या॑नाय॑ । व्या॑नाय॑ त्वा । व्या॑नायेति॑ वि - अ॒नाय॑ । त्वा दी॒र्घाम् ।
दी॒र्घाम॑नु । अ॒नु प्र॑सितिम् । प्र॑सिति॒मायु॑षे । प्र॑सिति॒मिति॑ प्र - सि॒तिम् ।
आयु॑षे धाम् । धाम् दे॒वः । दे॒वो वः॑ । वः स॒विता॑ । स॒विता
हि॒रण्य॑पाणिः । हि॒रण्य॑पाणिः प्र॑ति । हि॒रण्य॑पाणि॒रिति॑ हि॒रण्य - पा॑णिः ।
प्र॑ति गृ॒ह्णातु॑ । गृ॒ह्णात्व॑ति गृ॒ह्णातु॑ ॥ 9 (65/74)

(प्रा॑णाय॑ त्वा - पञ्च॑दश॑ च) (A6)

T.S.1.1.7.1 - Kramam

धृ॒ष्टि॑रसि॑ । अ॒सि ब्र॑ह्म । ब्र॑ह्म य॒च्छ । य॒च्छा॑प । अ॒पा॒ग्ने ।
अ॒ग्नेऽग्नि॑म् । अ॒ग्नि॒मा॒माद॑म् । आ॒माद॑म् ज॒हि ।
आ॒माद॑मि॒त्याम॑ - अ॒दम् । ज॒हि निः॑ । निष्क्र॑व्यादम् । क्र॑व्याद॑ से॒ध ।
क्र॑व्याद॑मि॒ति क्र॑व्य - अ॒दम् । से॒धा । आ दे॒वय॑जम् । दे॒वय॑जं व॒ह ।

दे॒व॒य॒ज॒मि॒ति॒ दे॒व॒ – य॒ज॒म् । व॒ह॒ नि॒र्द॒ग्ध॒म् । नि॒र्द॒ग्ध॒ञ् र॒क्षः॑ ।
 नि॒र्द॒ग्ध॒मि॒ति॒ निः॑ – द॒ग्ध॒म् । र॒क्षो॑ नि॒र्द॒ग्धाः॑ । नि॒र्द॒ग्धा॑ अ॒रा॒त॒यः॑ ।
 नि॒र्द॒ग्धा॑ इ॒ति॒ निः॑ – द॒ग्धाः॑ । अ॒रा॒त॒यो ध्रु॒व॒म् । ध्रु॒व॒म॒सि॒ । अ॒सि॒
 पृ॒थि॒वी॒म् । पृ॒थि॒वी॒म् दृ॒ह॒ । दृ॒ह॒ आ॒युः॑ । आ॒युर् दृ॒ह॒ । दृ॒ह॒ प्र॒जा॒म् ।
 प्र॒जा॒म् दृ॒ह॒ । प्र॒जा॒मि॒ति॒ प्र॒-जा॒म् । दृ॒ह॒ स॒जा॒ता॒न् । स॒जा॒ता॒न॒स्मै॑ ।
 स॒जा॒ता॒नि॒ति॒ स॒ – जा॒ता॒न् । अ॒स्मै॑ य॒ज॒मा॒नाय॑ । य॒ज॒मा॒नाय॑ परि॑ ।
 पर्यू॒ह॒ । ऊ॒ह॒ ध॒र्त्र॒म् । ध॒र्त्र॒म॒सि॒ । अ॒स्य॒न्त॒रि॒क्ष॒म् । अ॒न्त॒रि॒क्षं॑ दृ॒ह॒ ।
 दृ॒ह॒ प्रा॒ण॒म् । प्रा॒ण॒म् दृ॒ह॒ । प्रा॒ण॒मि॒ति॒ प्र॒ – अ॒न॒म् । दृ॒ह॒ आ॒पा॒न॒म् ।
 अ॒पा॒न॒म् दृ॒ह॒ । अ॒पा॒न॒मि॒त्य॒प॒ – अ॒न॒म् । दृ॒ह॒ स॒जा॒ता॒न् ।
 स॒जा॒ता॒न॒स्मै॑ । स॒जा॒ता॒नि॒ति॒ स॒ – जा॒ता॒न् । अ॒स्मै॑ य॒ज॒मा॒नाय॑ ।
 य॒ज॒मा॒नाय॑ परि॑ । पर्यू॒ह॒ । ऊ॒ह॒ ध॒रु॒ण॒म् । ध॒रु॒ण॒म॒सि॒ । अ॒सि॒ दि॒व॒म् ।
 दि॒व॒म् दृ॒ह॒ । दृ॒ह॒ च॒क्षुः॑ । च॒क्षुर् दृ॒ह॒ । 10 (50/60)

T.S.1.1.7.2 - Kramam

दृ॒ह॒ श्रो॒त्र॒म् । श्रो॒त्र॒म् दृ॒ह॒ । दृ॒ह॒ स॒जा॒ता॒न् । स॒जा॒ता॒न॒स्मै॑ ।
 स॒जा॒ता॒नि॒ति॒ स॒ – जा॒ता॒न् । अ॒स्मै॑ य॒ज॒मा॒नाय॑ । य॒ज॒मा॒नाय॑ परि॑ ।

प्रथम काण्डे-प्रथमः प्रश्नः-(TS 1.1)

पर्यू॒ह । ऊ॒ह ध॒र्म । ध॒र्मा॒सि । अ॒सि दि॒शः । दि॒शो दृ॒ह । दृ॒ह
यो॒निम् । यो॒निम् दृ॒ह । दृ॒ह प्र॒जाम् । प्र॒जाम् दृ॒ह । प्र॒जामि॒ति
प्र - जा॒म् । दृ॒ह स॒जा॒तान् । स॒जा॒तान॒स्मै । स॒जा॒तानि॒ति
स - जा॒तान् । अ॒स्मै यज॑मानाय । यज॑मानाय परि । पर्यू॒ह । ऊ॒ह
चि॒तः । चि॒तः स्थ । स्थ प्र॒जाम् । प्र॒जाम॒स्मै । प्र॒जामि॒ति प्र - जा॒म् ।
अ॒स्मै रयि॑म् । रयि॑म॒स्मै । अ॒स्मै स॒जा॒तान् । स॒जा॒तान॒स्मै ।
स॒जा॒तानि॒ति स - जा॒तान् । अ॒स्मै यज॑मानाय । यज॑मानाय परि ।
पर्यू॒ह । ऊ॒ह भृ॒गूणा॒म् । भृ॒गूणा॒मङ्गि॑र॒साम् । अङ्गि॑र॒साम् तप॑सा ।
तप॑सा तप्य॑द्ध्वम् । तप्य॑द्ध्वं या॒नि । या॒नि घ॒र्मे । घ॒र्मे क॒पाला॑नि ।
क॒पाला॑न्युपचि॒न्वन्ति॑ । उपचि॒न्वन्ति॑ वे॒धसः॑ । उपचि॒न्वन्तीत्यु॑प -
चि॒न्वन्ति॑ । वे॒धस इति॑ वे॒धसः॑ ॥ पू॒ष्णस्तानि॑ । तान्यपि॑ । अपि॑ व्र॒ते ।
व्र॒त इन्द्र॑वायू । इन्द्र॑वायू वि । इन्द्र॑वायू इतीन्द्र॑ - वायू ।
वि मुञ्च॑ताम् । मुञ्च॑तामि॒ति मुञ्च॑ताम् ॥ 11 (48/55)

(चक्षु॑ - र॒ष्टाच॑त्वारि॒ञ्शच्च॑) (A7)

T.S.1.1.8.1 - Kramam

सम्॑व॒षामि॑ । व॒षामि॑ सम् । समा॑पः । आपो॑ अ॒द्भिः । अ॒द्भिर॑ग॒मत ।
 अ॒द्भिरि॑त्यत् - भिः । अ॒ग॒मत॑ सम् । स॒मोष॑धयः । ओष॑धयो र॒सेन॑ ।
 र॒सेन॑ सम् । सꣳ रेव॑तीः । रेव॑तीर् जग॑तीभिः । जग॑तीभिर् मधु॑मतीः ।
 मधु॑मतीर् मधु॑मतीभिः । मधु॑मतीरिति॑ मधु - म॒तीः । मधु॑मतीभिः
 सृ॒ज्यद्ध्व॑म् । मधु॑मतीभि॒रिति॑ मधु - म॒तीभिः । सृ॒ज्यद्ध्व॑म॒द्भ्यः ।
 अ॒द्भ्यः परि॑ । अ॒द्भ्य इ॒त्यत् - भ्यः । परि॑ प्रजा॑ताः । प्रजा॑ताः स्थ ।
 प्रजा॑ता इति॑ प्र - जा॑ताः । स्थ सम् । स॒म॒द्भिः । अ॒द्भिः पृ॒च्यद्ध्व॑म् ।
 अ॒द्भिरि॑त्यत् - भिः । पृ॒च्यद्ध्व॑म् ज॒नय॑त्यै । ज॒नय॑त्यै त्वा । त्वा सम् ।
 सम्॑यौमि॑ । यौ॒म्य॒ग्नये॑ । अ॒ग्नये॑ त्वा । त्वा अ॒ग्नीषो॑मा॒भ्याम् ।
 अ॒ग्नीषो॑मा॒भ्याम् म॒खस्य॑ । अ॒ग्नीषो॑मा॒भ्यामि॒त्यग्नी॑ - सोमा॒भ्याम् ।
 म॒खस्य॑ शि॒रः । शि॒रोऽसि॑ । अ॒सि घ॒र्मः । घ॒र्मोऽसि॑ । अ॒सि वि॒श्वायुः॑ ।
 वि॒श्वायु॑रुरु । वि॒श्वायु॑रिति॑ वि॒श्व - आ॒युः । उ॒रु प्र॑थस्व । प्र॒थस्वो॒रु ।
 उ॒रु ते॑ । ते य॒ज्ञप॑तिः । य॒ज्ञप॑तिः प्र॒थता॑म् । य॒ज्ञप॑तिरिति॑ य॒ज्ञ-प॑तिः ।
 प्र॒थता॑म् त्वच॑म् । त्वच॑म् गृ॒ह्णी॑ष्व । गृ॒ह्णी॑ष्वान्तरि॑तम् । अ॒न्तरि॑तꣳ
 र॒क्षः । अ॒न्तरि॑तमि॒त्यन्तः-इ॒तम् । र॒क्षोऽन्त॑रिताः । अ॒न्तरि॑ता अ॒रात॑यः ।

प्रथम काण्डे-प्रथमः प्रश्नः-(TS 1.1)

अ॒न्तरि॑ता इ॒त्यन्तः॑-इ॒ताः । अ॒रा॒तयो॑ दे॒वः । दे॒वस्त्वा॑ ।
त्वा स॒विता॑ () । स॒विता॑ श्र॒पय॑तु । श्र॒पय॑तु व॒र्षि॑ष्ठे ।
व॒र्षि॑ष्ठे अ॒धि । अ॒धि ना॒के॑ । ना॒केऽग्निः॑ । अ॒ग्निस्ते॑ । ते त॒नुव॑म् ।
त॒नुव॑म् मा । मा॒ऽति॑ । अ॒ति धा॒क् । धा॒गग्ने॑ । अ॒ग्ने ह॒व्यम् ।
ह॒व्यं र॒क्षस्व॑ । र॒क्षस्व॑ स॒म् । स॒म्ब्र॒ह्मणा॑ । ब्र॒ह्मणा॑ पृ॒च्यस्व॑ ।
पृ॒च्यस्वै॒कता॑य । ए॒कता॑य स्वाहा॑ । स्वाहा॑ द्वि॒ताय॑ । द्वि॒ताय॑ स्वाहा॑ ।
स्वाहा॑ त्रि॒ताय॑ । त्रि॒ताय॑ स्वाहा॑ । स्वाहे॒ति स्वाहा॑ ॥ 12 (72/83)

(स॒विता-द्वावि॑ंशतिश्च) (A8)

T.S.1.1.9.1 - Kramam

आ ददे॑ । दद॑ इन्द्र॒स्य । इन्द्र॒स्य बा॒हुः । बा॒हुर॑सि । अ॒सि दक्षि॑णः ।
दक्षि॑णः स॒हस्र॑भृष्टिः । स॒हस्र॑भृष्टिः श॒तते॑जाः । स॒हस्र॑भृष्टिरिति॑
स॒हस्र॑ - भृष्टिः । श॒तते॑जा वा॒युः । श॒तते॑जा इति॑ श॒त - ते॒जाः ।
वा॒युर॑सि । अ॒सि ति॒ग्मते॑जाः । ति॒ग्मते॑जाः पृथि॑वि । ति॒ग्मते॑जा इति॑
ति॒ग्म - ते॒जाः । पृथि॑वि दे॒वय॑जनि । दे॒वय॑ज॒न्योष॑द्ध्याः ।
दे॒वय॑ज॒नीति॑ दे॒व - य॒जनि॑ । ओष॑द्ध्यास्ते । ते मू॒लम् । मू॒लम् मा ।

तैत्तिरीय संहिता क्रम पाठे (TS 1.1)

मा हि॑सि॒षम् । हि॑सि॒षम॑प॒हतः । अ॒प॒हतो॑ऽरुः । अ॒प॒हत॑ इत्य॒प -
ह॒तः । अ॒रुः पृ॒थि॒व्यै । पृ॒थि॒व्यै व्र॒जम् । व्र॒जम् ग॒च्छ । ग॒च्छ
गो॒स्थान॑म् । गो॒स्थानं॑ व॒र्ष॒तु । गो॒स्थान॑मि॒ति गो - स्थान॑म् ।
व॒र्ष॒तु ते । ते द्यौः । द्यौर् ब॒धान । ब॒धान दे॒व । दे॒व स॒वितः ।
स॒वितः पर॑मस्याम् । पर॑मस्याम् प॒राव॑ति । प॒राव॑ति श॒तेन॑ ।
प॒राव॑तीति॒ परा - व॑ति । श॒तेन॑ पा॒शैः । पा॒शैर् यः । योऽस्मा॑न् ।
अ॒स्मा॒न् द्वेष्टि॑ । द्वेष्टि॑ यम् । यम् च॑ । च व॒यम् । व॒यम् द्वि॒ष्मः ।
द्वि॒ष्मस्त॑म् । त॒मतः । अतो॑ मा । मा मौक् । मौ॒गप॑हतः ।
अ॒प॒हतो॑ ऽरुः । अ॒प॒हत॑ इत्य॒प - ह॒तः । अ॒रुः पृ॒थि॒व्यै । पृ॒थि॒व्यै
दे॒वय॑जन्यै । दे॒वय॑जन्यै व्र॒जम् । दे॒वय॑जन्या इति॒ देव - य॑जन्यै ।
व्र॒जम् ग॒च्छ । 13 (50/59)

T.S.1.1.9.2 - Kramam

ग॒च्छ गो॒स्थान॑म् । गो॒स्थानं॑ व॒र्ष॒तु । गो॒स्थान॑मि॒ति गो - स्थान॑म् ।
व॒र्ष॒तु ते । ते द्यौः । द्यौर् ब॒धान । ब॒धान दे॒व । दे॒व स॒वितः ।
स॒वितः पर॑मस्याम् । पर॑मस्याम् प॒राव॑ति । प॒राव॑ति श॒तेन॑ ।
प॒राव॑तीति॒ परा - व॑ति । श॒तेन॑ पा॒शैः । पा॒शैर् यः । योऽस्मा॑न् ।

प्रथम काण्डे-प्रथमः प्रश्नः-(TS 1.1)

अ॒स्मान् द्वेष्टि॑ । द्वेष्टि॑ यम् । यम् च॑ । च॑ वयम् । वयम् द्विष्मः॑ ।
द्विष्म॑स्तम् । तम॑तः । अतो॑ मा । मा मौक् । मौ॒गप॑हतः । अप॑हतो
ऽर॒रुः । अप॑हत इत्य॑प - ह॒तः । अ॒ररुः॑ पृथि॒व्याः । पृथि॒व्या
अ॒दे॒वय॑जनः । अ॒दे॒वय॑जनो ब्रजम् । अ॒दे॒वय॑जन इत्य॑दे॒व - य॒जनः॑ ।
ब्रजम् गच्छ॑ । गच्छ॑ गो॒स्थानम्॑ । गो॒स्थानं॑ व॒र्षतु॑ ।
गो॒स्थानमि॑ति गो - स्थानम् । व॒र्षतु॑ ते । ते द्यौः॑ । द्यौर् ब॒धान ।
ब॒धान दे॒व । दे॒व स॒वितः॑ । स॒वितः॑ पर॒मस्या॑म् । पर॒मस्या॑म् पराव॑ति ।
पराव॑ति श॒तेन॑ । पराव॑तीति परा - वति । श॒तेन॑ पा॒शैः । पा॒शैर् यः ।
योऽस्मान् । अ॒स्मान् द्वेष्टि॑ । द्वेष्टि॑ यम् । यम् च॑ । च॑ वयम् । वयम्
द्विष्मः॑ । द्विष्म॑स्तम् । तम॑तः । अतो॑ मा । मा मौक् । 14 (50/56)

T.S.1.1.9.3 - Kramam

मौ॒गर॒रुः । अ॒ररु॑स्ते । ते दि॒वम् । दि॒वम् मा । मा स्का॑न् । स्का॑न्
वस॑वः । वस॑वस्त्वा । त्वा परि॑ । परि॑ गृह्ण॑न्तु । गृह्ण॑न्तु गा॒यत्रे॑ण ।
गा॒यत्रे॑ण छ॒न्दसा॑ । छ॒न्दसा॑ रु॒द्राः । रु॒द्रास्त्वा । त्वा परि॑ । परि॑ गृह्ण॑न्तु ।
गृह्ण॑न्तु त्रै॒ष्टुभे॑न । त्रै॒ष्टुभे॑न छ॒न्दसा॑ । छ॒न्दसा॑ ऽऽदि॒त्याः । आ॒दि॒त्यास्त्वा॑ ।

त्वा परि । परि गृह्णन्तु । गृह्णन्तु जागतेन । जागतेन छन्दसा । छन्दसा
 देवस्य । देवस्य सवितुः । सवितुः सवे । सवे कर्म । कर्म कृण्वन्ति ।
 कृण्वन्ति वेधसः । वेधस ऋतम् । ऋतमसि । अस्यृतसदनम् ।
 ऋतसदनमसि । ऋतसदनमित्यृत - सदनम् । अस्यृतश्रीः ।
 ऋतश्रीरसि । ऋतश्रीत्यृत - श्रीः । असि धाः । धा असि । असि
 स्वधा । स्वधा असि । स्वधेति स्व - धा । अस्युर्वी । उर्वी च ।
 चासि । असि वस्वी । वस्वी च । चासि । असि पुरा । पुरा क्रूरस्य ।
 क्रूरस्य विसृपः । विसृपो विरफिशन् () । विसृप इति वि - सृपः ।
 विरफिशन्नुदादाय । विरफिशन्निति वि - रफिशन् । उदादाय पृथिवीम् ।
 उदादायेत्युत् - आदाय । पृथिवीम् जीरदानुः । जीरदानुर्याम् ।
 जीरदानुरिति जीर - दानुः । यामैरयन् । ऐरयन् चन्द्रमसि ।
 चन्द्रमसि स्वधाभिः । स्वधाभिस्ताम् । स्वधाभिरिति स्व - धाभिः ।
 ताम् धीरासः । धीरासो अनुदृश्य । अनुदृश्य यजन्ते ।

अनुदृश्येत्यनु - दृश्य । यजन्त इति यजन्ते ॥ 15 (61/70)

(देवयजन्यै व्रजं - तमतो मा - विरफिशन् - नेकादश च) (A9)

प्रथम काण्डे-प्रथमः प्रश्नः-(TS 1.1)

T.S.1.1.10.1 - Kramam

प्र॒त्युष्ट॑ र॒क्षः । प्र॒त्युष्ट॑मि॒ति प्र॑ति - उ॒ष्टम् । र॒क्षः प्र॒त्युष्टाः । प्र॒त्युष्टा॑
अ॒रा॒तयः॑ । प्र॒त्युष्टा॑ इति॒ प्रति॑ - उ॒ष्टाः । अ॒रा॒तयो॑ऽग्नेः । अ॒ग्नेर् वः॑ ।
व॒स्तेजि॑ष्ठेन । तेजि॑ष्ठेन तेज॒सा । तेज॒सा निः॑ । नि॒ष्टपा॑मि । त॒पा॒मि
गो॒ष्ठम् । गो॒ष्ठम् मा॑ । गो॒ष्ठमि॒ति गो॑ - स्थम् । मा॒ निः॑ । निर्मृ॑क्षम् ।
मृ॒क्षं वा॑जिनम् । वा॒जिनम् त्वा॑ । त्वा स॒प॒त्नसा॑हम् । स॒प॒त्नसा॑हम्
सम् । स॒प॒त्नसा॑हमि॒ति स॒प॒त्न - सा॑हम् । स॒म॒मार्जि॑र्म । मा॒र्जिर्म वा॑चम् ।
वा॑चम् प्रा॒णम् । प्रा॒णम् चक्षुः॑ । प्रा॒णमि॒ति प्र॑ - अ॒नम् । चक्षुः॑
श्रो॒त्रम् । श्रो॒त्रम् प्र॒जाम् । प्र॒जां यो॑निम् । प्र॒जामि॒ति प्र॑ - जा॒म् ।
यो॒निम् मा॑ । मा॒ निः॑ । निर्मृ॑क्षम् । मृ॒क्षं वा॑जिनीम् । वा॒जिनी॑म् त्वा ।
त्वा स॒प॒त्नसा॑हीम् । स॒प॒त्नसा॑हीम् सम् । स॒प॒त्नसा॑हीमि॒ति स॒प॒त्न -
सा॑हीम् । स॒म॒मार्जि॑र्म । मा॒ज्मर्या॑शा॒साना॑ । आ॒शा॒साना॑ सौम॒नस॑म् ।
आ॒शा॒साने॒त्या - शा॑साना । सौम॒नस॑म् प्र॒जाम् । प्र॒जा सौ॑भाग्यम् ।
प्र॒जामि॒ति प्र॑ - जा॒म् । सौ॑भाग्यम् त॒नूम् । त॒नूमि॒ति त॒नूम् ॥
अ॒ग्नेरनु॑व्र॒ता । अनु॑व्र॒ता भू॑त्वा । अनु॑व्र॒तेत्यनु॑ - व्र॒ता । भू॑त्वा सम् ।
सम् न॒ह्ये । न॒ह्ये सु॒कृ॒ताय॑ । सु॒कृ॒ताय॑ कम् । सु॒कृ॒तायेति॑ सु - कृ॒ताय॑ ।

कमि॒ति॒ कम् ॥ सु॒प्र॒ज॒स॒स्त्वा । सु॒प्र॒ज॒स॒ इति॑ सु - प्र॒ज॒सः ।
 त्वा व॒यम् । व॒य॒ सु॒प॒त्नीः॑ ॥ सु॒प॒त्नी॒रुप॑ । सु॒प॒त्नी॒रिति॑ सु - प॒त्नीः॑ ॥
 उप॒सेदि॑म । 16 (50/63)

T.S.1.1.10.2 - Kramam

सेदि॒मेति॑ सेदि॒म ॥ अ॒ग्ने स॒प॒त्न॒द॒म्भ॒नम् । स॒प॒त्न॒द॒म्भ॒न॒,म॒द॒ब्धा॒सः ।
 स॒प॒त्न॒द॒म्भ॒न॒मिति॑ स॒प॒त्न - द॒म्भ॒नम् । अ॒द॒ब्धा॒सो अ॒दा॒भ्यम् ।
 अ॒दा॒भ्य॒मित्य॒दा॒भ्यम् ॥ इ॒मं वि॑ । वि॒ष्या॒मि । स्या॒मि व॒रु॒ण॒स्य ।
 व॒रु॒ण॒स्य पा॒शम् । पा॒शं य॑म् । य॒म॒ब॒ध्नी॒त । अ॒ब॒ध्नी॒त स॒वि॒ता ।
 स॒वि॒ता सु॒के॒तः । सु॒के॒त इति॑ सु - के॒तः ॥ धा॒तुश्च॑ । च॒ यो॒नौ ।
 यो॒नौ सु॒कृ॒त॒स्य॑ । सु॒कृ॒त॒स्य॑ लो॒के । सु॒कृ॒त॒स्येति॑ सु - कृ॒त॒स्य॑ ।
 लो॒के स्यो॒नम् । स्यो॒नम् मे॑ । मे॒ सह॑ । सह॑ प॒त्या । प॒त्या करो॑मि ।
 करो॒मीति॑ करो॑मि ॥ स॒मा॒यु॒षा । आ॒यु॒षा स॒म् । स॒म्प्र॒ज॒या । प्र॒ज॒या
 स॒म् । प्र॒ज॒येति॑ प्र - ज॒या । स॒म॒ग्ने । अ॒ग्ने व॒र्च॒सा । व॒र्च॒सा पु॒नः ।
 पु॒न॒रिति॑ पु॒नः ॥ स॒म्प॒त्नी॑ । प॒त्नी प॒त्या । प॒त्याऽह॑म् । अ॒हम् ग॑च्छे ।
 ग॑च्छे स॒म् । स॒मा॒त्मा । आ॒त्मा त॒नु॒वा । त॒नु॒वा म॒म । म॒मेति॑ म॒म ॥
 म॒ही॒नाम् प॒यः । प॒योऽसि॑ । अ॒स्यो॒ष॒धी॒नाम् । ओ॒ष॒धी॒ना॒ र॒सः ।

र॒सस्त॑स्य । त॒स्य ते । तेऽक्षी॑यमाणस्य । अक्षी॑यमाणस्य निः ।

निर्व॑पामि । 17 (50/53)

T.S.1.1.10.3 - Kramam

व॒पामि॑ म॒हीना॑म् । म॒हीना॑म् प॒यः । प॒योऽसि॑ । अ॒स्योष॑धीनाम् ।
ओष॑धीना॒ र॒सः । र॒सोऽद॑ब्धेन । अ॒द॒ब्धेन॑ त्वा । त्वा चक्षु॑षा ।
चक्षु॑षाऽव । अ॒वेक्षे॑ । ई॒क्षे सु॒प्रजा॑स्त्वाय । सु॒प्रजा॑स्त्वाय तेजः ।
सु॒प्रजा॑स्त्वायेति॑ सु॒प्रजाः - त्वाय॑ । तेजो॑ऽसि । अ॒सि तेजः॑ ।
तेजो॑ऽनु । अ॒नु प्र । प्रेहि॑ । इ॒ह्यग्निः॑ । अ॒ग्निस्तै॑ । ते तेजः॑ ।
तेजो॑ मा । मा वि । वि॒नैत् । नै॒दग्नेः॑ । अ॒ग्नेर् जि॒ह्वा । जि॒ह्वाऽसि॑ ।
अ॒सि सु॒भूः । सु॒भूर् दे॒वाना॑म् । सु॒भूरिति॑ सु - भूः । दे॒वाना॑म्
धा॒म्नेधा॒म्ने । धा॒म्नेधा॒म्ने दे॒वेभ्यः॑ । धा॒म्नेधा॒म्न इति॑ धा॒म्ने - धा॒म्ने ।
दे॒वेभ्यो॑ यजु॑षेयजु॑षे । यजु॑षेयजु॑षे भव । यजु॑षेयजु॑ष इति॑
यजु॑षे - यजु॑षे । भव शु॒क्रम् । शु॒क्रम॑सि । अ॒सि ज्योतिः॑ ।
ज्योति॑रसि । अ॒सि तेजः॑ । तेजो॑ऽसि । अ॒सि देवः॑ । दे॒वो वः॑ ।
वः स॒विता॑ । स॒वितो॑त् । उ॒त्पु॒नातु॑ । पु॒नात्व॑च्छि॒द्रेण॑ । अ॒च्छि॒द्रेण॑
प॒वित्रे॑ण । प॒वित्रे॑ण व॒सोः॑ । व॒सोः सूर्य॑स्य । सूर्य॑स्य र॒श्मिभिः॑ ।

र॒श्मि॑भिः शु॒क्रम् () । र॒श्मि॑भिरि॒ति र॒श्मि - भिः । शु॒क्रम् त्वा॑ ।
 त्वा शु॒क्रायाम् । शु॒क्रायाम् धाम्ने॑धाम्ने । धाम्ने॑धाम्ने दे॒वेभ्यः॑ ।
 धाम्ने॑धाम्न इति धाम्ने॑ - धाम्ने । दे॒वेभ्यो यजु॑षेयजुषे । यजु॑षेयजुषे
 गृह्णामि । यजु॑षेयजुष इति यजु॑षे - यजु॑षे । गृह्णामि ज्योतिः॑ ।
 ज्योति॑स्त्वा । त्वा ज्योति॑षि । ज्योति॑ष्यर्चिः । अ॒र्चिस्त्वा॑ । त्वाऽर्चि॑षि ।
 अ॒र्चिषि धाम्ने॑धाम्ने । धाम्ने॑धाम्ने दे॒वेभ्यः॑ । धाम्ने॑धाम्न इति
 धाम्ने॑ - धाम्ने । दे॒वेभ्यो यजु॑षेयजुषे । यजु॑षेयजुषे गृह्णामि ।
 यजु॑षेयजुष इति यजु॑षे - यजु॑षे । गृह्णामीति॑ गृह्णामि ॥ 18 (66/75)

(उप - नि - रश्मिभिः शुक्रं - षोडश च) (A10)

T.S.1.1.11.1 - Kramam

कृ॒ष्णोऽसि॑ । अस्या॑खरेष्ठः । आ॒खरेष्ठो॑ऽग्नये॑ । आ॒खरेष्ठ॑ इत्या॑खरे -
 स्थः । अ॒ग्नये॑ त्वा । त्वा स्वा॑हा । स्वा॒हा वेदिः॑ । वेदि॑रसि । अ॒सि
 बर्हि॑षे । बर्हि॑षे त्वा । त्वा स्वा॑हा । स्वा॒हा बर्हिः॑ । बर्हि॑रसि ।
 अ॒सि सु॒ग्भ्यः॑ । सु॒ग्भ्यस्त्वा॑ । सु॒ग्भ्य इति॑ सुक् - भ्यः । त्वा
 स्वा॑हा । स्वा॒हा दि॒वे । दि॒वे त्वा॑ । त्वाऽन्तरि॑क्षाय । अ॒न्तरि॑क्षाय त्वा ।

प्रथम काण्डे-प्रथमः प्रश्नः-(TS 1.1)

त्वा॑ पृ॒थि॒व्यै॑ । पृ॒थि॒व्यै॑ त्वा॑ । त्वा॑ स्व॒धा । स्व॒धा पि॒तृ॒भ्यः॑ । स्व॒धेति॑
स्व - धा॑ । पि॒तृ॒भ्य ऊ॒र्क् । पि॒तृ॒भ्य इति॑ पि॒तृ - भ्यः॑ । ऊ॒र्ग॒र्भव॑ ।
भव॑ ब॒र्.हि॒षद्भ्यः॑ । ब॒र्.हि॒षद्भ्य ऊ॒र्जा । ब॒र्.हि॒षद्भ्य इति॑
ब॒र्.हि॒षत् - भ्यः॑ । ऊ॒र्जा पृ॒थि॒वीम् । पृ॒थि॒वीम् गच्छ॑त । गच्छ॑त
वि॒ष्णोः॑ । वि॒ष्णोः॑ स्तू॒पः । स्तू॒पोऽसि॑ । अ॒स्यूर्णा॑म्रदसम् ।
ऊ॒र्णाम्रद॑सन्त्वा । ऊ॒र्णाम्रद॑समित्यूर्णा॑ - म्रद॑सम् । त्वा॑ स्तृ॒णामि॑ ।
स्तृ॒णामि॑ स्वा॒सस्थ॑म् । स्वा॒सस्थ॑म् दे॒वेभ्यः॑ । स्वा॒सस्थ॑मिति॑
सु-आ॒सस्थ॑म् । दे॒वेभ्यो॑ गन्ध॒र्वः । गन्ध॒र्वोऽसि॑ । अ॒सि वि॒श्वाव॑सुः ।
वि॒श्वाव॑सुर् वि॒श्वस्मा॑त् । वि॒श्वाव॑सुरिति॑ वि॒श्व - व॒सुः ।
वि॒श्वस्मा॑दी॒षतः॑ । ई॒षतो॑ यज॒मान॑स्य । यज॒मान॑स्य परि॒धिः ।
परि॒धिरि॒डः । परि॒धिरिति॑ परि - धिः॑ । इ॒ड ई॒डितः॑ । ई॒डित॑ इन्द्र॒स्य ।
इन्द्र॒स्य बा॒हुः । बा॒हुर॑सि । अ॒सि दक्षि॑णः । 19 (50/59)

T.S.1.1.11.2 - Kramam

दक्षि॑णो यज॒मान॑स्य । यज॒मान॑स्य परि॒धिः । परि॒धिरि॒डः ।
परि॒धिरिति॑ परि - धिः॑ । इ॒ड ई॒डितः॑ । ई॒डितो॑ मि॒त्राव॑रुणौ ।
मि॒त्राव॑रुणौ त्वा॑ । मि॒त्राव॑रुणा॒विति॑ मि॒त्रा - व॒रुणौ॑ । त्वो॒त्तर॑तः ।

उत्तरतः॑ परि॑ । उत्तरत॑ इत्युत् - तरतः॑ । परि॑ धत्ताम् । धत्ताम्॑ ध्रुवेण॑ ।
 ध्रुवेण॑ धर्मणा॑ । धर्मणा॑ यजमानस्य॑ । यजमानस्य॑ परिधिः॑ ।
 परिधिरिडः॑ । परिधिरिति॑ परि - धिः॑ । इड॑ ईडितः॑ । ईडितः॑ सूर्यः॑ ।
 सूर्यस्त्वा॑ । त्वा॑ पुरस्तात्॑ । पुरस्तात्॑ पातु॑ । पातु॑ कस्याः॑ । कस्याश्चित्॑ ।
 चिदभिशस्त्याः॑ । अभिशस्त्या॑ वीतिहोत्रम्॑ । अभिशस्त्या॑ इत्यभि
 - शस्त्याः॑ । वीतिहोत्रम्॑ त्वा॑ । वीतिहोत्रमिति॑ वीति - होत्रम्॑ ।
 त्वा॑ कवे॑ । कवे॑ द्युमन्तम्॑ । द्युमन्त॑ सम् । द्युमन्तमिति॑ द्यु - मन्तम्॑ ।
 समिधीमहि॑ । इधीमह्यग्ने॑ । अग्ने॑ बृहन्तम्॑ । बृहन्तमध्वरे॑ । अध्वरे॑
 विशः॑ । विशो॑ यन्त्रे॑ । यन्त्रे॑ स्थः॑ । यन्त्रे॑ इति॑ यन्त्रे॑ । स्थो॑ वसूनाम्॑ ।
 वसूना॑ रुद्राणाम्॑ । रुद्राणामादित्यानाम्॑ । आदित्याना॑ सदसि॑ ।
 सदसि॑ सीद॑ । सीद॑ जुहूः॑ । जुहूरुपभृत्॑ । उपभृद्ध्रुवा॑ । उपभृदित्युप
 - भृत्॑ । ध्रुवा॑सि॑ । असि॑ घृताची॑ । घृताची॑ नाम्ना॑ । नाम्ना॑ प्रियेण॑ ।
 प्रियेण॑ नाम्ना॑ । नाम्ना॑ प्रिये॑ । प्रिये॑ सदसि॑ () । सदसि॑ सीद॑ ।
 सीदैताः॑ । एता॑ असदन्त् । असदन्त् सुकृतस्य॑ । सुकृतस्य॑ लोके॑ ।
 सुकृतस्येति॑ सु - कृतस्य॑ । लोके॑ ताः॑ । ता॑ विष्णो॑ । विष्णो॑ पाहि॑ ।

वि॒ष्णो इति॑ वि॒ष्णो । पा॒हि पा॒हि । पा॒हि य॒ज्ञम् । य॒ज्ञम् पा॒हि ।
पा॒हि य॒ज्ञप॑तिम् । य॒ज्ञप॑तिम् पा॒हि । य॒ज्ञप॑तिमि॒ति य॒ज्ञ - प॑तिम् ।
पा॒हि मा॒म् । मां य॒ज्ञनिय॑म् ॥

य॒ज्ञनिय॑मि॒ति य॒ज्ञ - नियं॑ ॥ 20 (65/77)

(बा॒हुर॑सि - प्रि॒ये स॑द॒सि - प॒ञ्चद॑श च) (A11)

T.S.1.1.12.1 - Kramam

भुव॑नम॒सि । अ॒सि वि॒ । वि॒ प्र॑थस्व । प्र॑थस्वाग्ने॑ । अग्ने॑ य॒ष्टः ।
य॒ष्टरि॑दम् । इ॒दम् नमः॑ । नम॑ इति॑ नमः॑ ॥ जु॒ह्वे । ए॒हि । इ॒ह्यग्निः॑ ।
अ॒ग्निस्त्वा॑ । त्वा ह॒वति॑ । ह॒वति॑ दे॒वय॑ज्यायै॑ । दे॒वय॑ज्याया॒ उप॑भृत् ।
दे॒वय॑ज्याया॒ इति॑ दे॒व - य॑ज्यायै॑ । उप॑भृ॒दा । उप॑भृ॒दित्यु॑प - भृ॒त् ।
ए॒हि । इ॒हि दे॒वः । दे॒वस्त्वा॑ । त्वा स॒विता॑ । स॒विता॑ ह॒वति॑ ।
ह॒वति॑ दे॒वय॑ज्यायै॑ । दे॒वय॑ज्याया॒ अग्ना॑विष्णू । दे॒वय॑ज्याया॒ इति॑
दे॒व - य॑ज्यायै॑ । अग्ना॑विष्णू मा । अग्ना॑विष्णू इत्यग्ना॑ - वि॒ष्णू ।
मा वा॒म् । वा॒मव॑ । अव॑ क्रमिषम् । क्रमिषं॑ वि॒ । वि॒ जि॑हाथाम् ।
जि॒हा॒थाम् मा॑ । मा मा॑ । मा॒ सम् । स॒न्ताप्त॑म् । ता॒प्तं लो॒कम् ।

लो॒कम् मे॑ । मे॒ लो॒क॒कृ॒तौ । लो॒क॒कृ॒तौ कृ॒णु॒तम् । लो॒क॒कृ॒तावि॒ति
 लो॒क - कृ॒तौ । कृ॒णु॒तं वि॒ष्णोः॑ । वि॒ष्णोः॑ स्था॒नम् । स्था॒नम॒सि ।
 असी॒तः । इ॒त इन्द्रः॑ । इन्द्रो॑ अकृ॒णोत् । अकृ॒णोद्वी॒र्याणि॑ ।
 वी॒र्याणि॑ समा॒रभ्य॑ । समा॒रभ्यो॒र्ध्वः । समा॒रभ्येति॑ सम् - आ॒रभ्य॑ ।
 ऊ॒र्ध्वो अ॒र्ध्वरः॑ । अ॒र्ध्वरो दि॒विस्पृ॑शम् । दि॒विस्पृ॑शम॒हुतः॑ () ।
 दि॒विस्पृ॑शमि॒ति दि॒वि - स्पृ॑शम् । अ॒हुतो॑ य॒ज्ञः । य॒ज्ञो य॒ज्ञप॑तेः ।
 य॒ज्ञप॑तेरिन्द्रा॒वान् । य॒ज्ञप॑तेरि॒ति य॒ज्ञ - प॑तेः । इन्द्रा॒वान्त् स्वाहा॑ ।
 इन्द्रा॒वानि॒तीन्द्र॑ - वा॒न् । स्वाहा॑ बृ॒हत् । बृ॒हद् भाः॑ । भाः॑ पा॒हि ।
 पा॒हि मा॑ । मा॒ग्ने । अ॒ग्ने दु॒श्च॑रितात् । दु॒श्च॑रिता॒दा ।
 दु॒श्च॑रितादि॒ति दुः-च॑रितात् । आ मा॑ । मा सु॒च॑रिते । सु॒च॑रिते भ॒ज ।
 सु॒च॑रित इति सु - च॒रिते॑ । भ॒ज म॒खस्य॑ । म॒खस्य॑ शि॒रः ।
 शि॒रोऽसि॑ । अ॒सि सम् । सञ्ज्यो॑तिषा । ज्यो॑तिषा ज्यो॒तिः ।
 ज्यो॑तिरङ्क्ताम् । अ॒ङ्क्तामि॒त्यङ्क्ताम् ॥ 21 (71/82)

(अ॒हुत - ए॒कवि॑ंशतिश्च) (A12)

T.S.1.1.13.1 - Kramam

वाजस्य॑ मा । मा प्र॒सवे॑न । प्र॒सवे॑नोद्ग्रा॒भेण॑ । प्र॒सवे॑नेति॑
 प्र - स॒वेन॑ । उ॒द्ग्रा॒भेणो॑त् । उ॒द्ग्रा॒भेणे॑त्युत् - ग्रा॒भेण॑ । उ॒दग्र॑भीत् ।
 अ॒ग्रभी॑दित्य॒ग्रभी॑त् ॥ अथा॑ स॒पत्नान् । स॒पत्ना॑ꣳ इन्द्रः॑ । इन्द्रो॑ मे ।
 मे नि॒ग्राभे॑ण । नि॒ग्राभे॑णाध॒रान् । नि॒ग्राभे॑णेति॑ नि - ग्रा॒भेण॑ । अध॒राꣳ
 अ॒कः । अ॒क॒रित्य॑कः ॥ उ॒द्ग्रा॒भम् च॑ । उ॒द्ग्रा॒भमि॑त्युत् - ग्रा॒भम् ।
 च नि॒ग्राभ॑म् । नि॒ग्राभ॑म् च । नि॒ग्राभ॑मिति॑ नि - ग्रा॒भम् । च ब्र॒ह्म ।
 ब्र॒ह्म दे॒वाः । दे॒वा अ॒वीवृ॑धन् । अ॒वीवृ॑धन्नित्य॒वीवृ॑धन् ॥ अथा॑
 स॒पत्नान् । स॒पत्नानि॑न्द्रा॒ग्नी । इन्द्रा॒ग्नी मे॑ । इन्द्रा॒ग्नी इतीन्द्र॑-अ॒ग्नी ।
 मे वि॒षूची॑नान् । वि॒षूची॑नान् वि । व्य॒स्यता॑म् । अ॒स्यता॑मित्य॒स्यता॑म् ॥
 वसु॑भ्यस्त्वा । वसु॑भ्य इति॑ वसु - भ्यः । त्वा रु॒द्रेभ्यः॑ ।
 रु॒द्रेभ्य॑स्त्वा । त्वा ऽऽदि॒त्येभ्यः॑ । आ॒दि॒त्येभ्य॑स्त्वा । त्वाऽ॒क्तम् । अ॒क्तꣳ
 रिहा॑णाः । रिहा॑णा वि॒यन्तु॑ । वि॒यन्तु॑ वयः । वय॑ इति॑ वयः ॥ प्र॒जां
 यो॒निम् । प्र॒जामि॑ति प्र - जा॒म् । यो॒निम् मा । मा निः । निर्मृ॑क्षम् ।
 मृ॒क्ष॒मा । आ प्या॑यन्ता॒म् । प्या॑यन्ता॒मापः॑ । आप॑ ओष॒धयः॑ ।

ओ॒ष॒धयो॑ म॒रु॒ताम् । म॒रु॒ताम् पृ॒षत॑यः । पृ॒षत॑यः स्थ । स्थ दि॒वम् ।
दि॒वम् गच्छ॑ । 22 (50/58)

T.S.1.1.13.2 - Kramam

गच्छ॑ ततः । ततो॑ नः । नो॒ वृ॒ष्टिम् । वृ॒ष्टि॒मा । ए॒रय॑ । ई॒रये॑ती॒रय॑ ॥
आ॒यु॒ष्पा अ॒ग्ने । आ॒यु॒ष्पा इ॒त्यायुः॑ – पाः । अ॒ग्नेऽसि॑ । अ॒स्यायुः॑ ।
आ॒युर् मे॑ । मे॒ पा॒हि । पा॒हि च॒क्षु॒ष्पाः । च॒क्षु॒ष्पा अ॒ग्ने । च॒क्षु॒ष्पा
इति॑ च॒क्षुः – पाः । अ॒ग्नेऽसि॑ । अ॒सि च॒क्षुः । च॒क्षुर् मे॑ । मे॒ पा॒हि ।
पा॒हि ध्रु॒वा । ध्रु॒वाऽसि॑ । अ॒सि यम् । यम् प॒रिधि॑म् । प॒रिधि॑म्
प॒र्यध॑त्थाः । प॒रिधि॑मि॒ति प॒रि – धि॑म् । प॒र्यध॑त्था अ॒ग्ने । प॒र्यध॑त्था
इति॑ प॒रि – अ॒धत्थाः॑ । अ॒ग्ने दे॒व । दे॒व प॒णिभिः॑ । प॒णिभिर्वी॑यमाणः ।
प॒णिभि॒रिति॑ प॒णि – भिः॑ । वी॒यमा॑ण इति॑ वी॒यमा॑णः ॥ तम् ते॑ ।
त ए॒तम् । ए॒तम॑नु । अ॒नु जो॒षम् । जो॒षम् भ॑रामि । भ॑रामि न । नेत् ।
इ॒देषः॑ । ए॒ष त्वत् । त्वद॑प॒चेत॑यातै । अ॒प॒चेत॑यातै य॒ज्ञस्य॑ ।
अ॒प॒चेत॑याता इत्य॑प – चे॒तया॑तै । य॒ज्ञस्य॑ पाथः । पाथ॑ उप ।
उप॑ सम् । स॒मितम् । इ॒तꣳ सꣳस्रा॑वभागाः । सꣳस्रा॑वभागाः स्थ ।
सꣳस्रा॑वभागा इति॑ सꣳस्रा॑व – भा॒गाः । स्थे॒षाः । इ॒षा बृ॑हन्तः ।

प्रथम काण्डे-प्रथमः प्रश्नः-(TS 1.1)

बृ॒हन्तः॑ प्र॒स्तरे॒ष्ठाः । प्र॒स्तरे॒ष्ठा ब॒र्हिष॑दः । प्र॒स्तरे॒ष्ठा इति॑
प्र॒स्तरे॑ - स्थाः । ब॒र्हिष॑दश्च । ब॒र्हिष॑द इति॑ ब॒र्हि - सदः॑ ।

च दे॒वाः । 23 (50/59)

T.S.1.1.13.3 - Kramam

दे॒वा इ॒माम् । इ॒मां वा॑चम् । वा॒चम॑भि । अ॒भि वि॒श्वे॑ । वि॒श्वे गृ॑णन्तः ।
गृ॒णन्त आ॑सद्य । आ॒सद्या॑स्मिन् । आ॒सद्ये॑त्या - सद्य । अ॒स्मिन्
ब॒र्हिषि॑ । ब॒र्हिषि॑ मा॒दय॑द्ध्वम् । मा॒दय॑द्ध्वम॒ग्नेः । अ॒ग्नेर्वा॑म् ।
वा॒मप॑न्नगृहस्य । अ॒पन्न॑गृहस्य सद॒सि । अ॒पन्न॑गृहस्येत्य॒पन्न-गृ॑हस्य ।
सद॒सि सा॑दयामि । सा॒दया॑मि सु॒म्नाय॑ । सु॒म्नाय॑ सु॒म्निनी॑ । सु॒म्निनी॑
सु॒म्ने । सु॒म्निनी॑ इति॑ सु॒म्निनी॑ । सु॒म्ने मा॑ । मा॒ ध॒त्तम् । ध॒त्तम् धु॒रि ।
धु॒रि धु॒र्यौ॑ । धु॒र्यौ पा॑तम् । पा॒तम॒ग्ने । अ॒ग्नेऽद॑ब्धायो ।
अ॒दब्धायो॑ ऽशी॒तत॑नो । अ॒दब्धायो॑ इत्य॒दब्ध॑ - आ॒यो । अ॒शीत॑त॒नो
पा॒हि । अ॒शीत॑त॒नो इत्य॒शीत॑-त॒नो । पा॒हि मा॑ । मा॒ऽद्य । अ॒द्य दि॒वः ।
दि॒वः पा॒हि । पा॒हि प्र॑सित्यै । प्र॑सित्यै पा॒हि । प्र॑सित्या इति॑
प्र - सि॒त्यै । पा॒हि दु॑रिष्ट्यै । दु॑रिष्ट्यै पा॒हि । दु॑रिष्ट्या इति॑

तैत्तिरीय संहिता क्रम पाठे (TS 1.1)

दुः - इष्ट्यै । पाहि दुरद्वन्यै । दुरद्वन्यै पाहि । दुरद्वन्या इति
दुः - अद्वन्यै । पाहि दुश्चरितात् । दुश्चरितादविषम् । दुश्चरितादिति
दुः - चरितात् । अविषन्नः । नः पितुम् । पितुम् कृणु । कृणु सुषदा ॥
सुषदा योनिम् । सुषदेति सु - सदा । योनि७ स्वाहा । स्वाहा देवाः ।
देवा गातुविदः । गातुविदो गातुम् । गातुविद इति गातु - विदः ।
गातुं वित्वा । वित्वा गातुम् () । गातुमित । इत मनसः । मनसस्पते ।
पत इमम् । इमम् नः । नो देव । देव देवेषु । देवेषु यज्ञम् ।
यज्ञ७ स्वाहा । स्वाहा वाचि । वाचि स्वाहा । स्वाहा वाते । वाते धाः ।
धा इति धाः ॥ 24 (63/74)

(दिवं - च - वित्वा गातुं - त्रयोदश च) (A13)

T.S.1.1.14.1 - Kramam

उभा वाम् । वामिन्द्राग्नी । इन्द्राग्नी आहुवद्ध्यै ॥ इन्द्राग्नी
इतीन्द्र - अग्नी । आहुवद्ध्या उभा । उभा राधसः । राधसः सह ।
सह मादयद्ध्यै । मादयद्ध्या इति मादयद्ध्यै ॥ उभा दातारौ ।
दाताराविषाम् । इषा७ रयीणाम् । रयीणामुभा । उभा वाजस्य ।

वा॒जस्य॑ सा॒तये॑ । सा॒तये॑ हु॒वे । हु॒वे वा॒म् । वा॒मिति॑ वा॒म् ॥
 अ॒श्रव॑ ॒ हि । हि॒ भूरि॑दा॒वत्तरा॑ । भूरि॑दा॒वत्तरा॑ वा॒म् ।
 भूरि॑दा॒वत्तरे॑ति॒ भूरि॑दा॒वत् - तरा॑ । वां॒ वि॒जामा॑तुः ।
 वि॒जामा॑तुरु॒त । वि॒जामा॑तुरि॒ति वि॒ - जा॒मातुः॑ ।
 उ॒त वा॑ । वा॒ घ । घा॒ स्या॒लात् ।
 स्या॒लादि॑ति॒ स्या॒लात् ॥ अ॒था सो॒मस्य॑ । सो॒मस्य॑ प्र॒यती॑ ।
 प्र॒यती॑ यु॒वभ्या॑म् । प्र॒यती॑ति॒ प्र - य॒ती । यु॒वभ्या॑मिन्द्रा॒ग्नी ।
 यु॒वभ्या॑मिति॒ यु॒व - भ्या॑म् । इन्द्रा॒ग्नी स्तो॒मम् । इन्द्रा॒ग्नी
 इतीन्द्र॑ - अ॒ग्नी । स्तो॒मम् ज॒नयामि॑ । ज॒नयामि॑ न॒व्यम् ।
 न॒व्यमि॑ति॒ न॒व्यम् ॥ इन्द्रा॒ग्नी न॒वति॑म् । इन्द्रा॒ग्नी इतीन्द्र॑-अ॒ग्नी ।
 न॒वति॑म् पु॒रः । पु॒रो दा॒सप॑त्नीः । दा॒सप॑त्नीरधू॒नुत॑म् ॥ दा॒सप॑त्नीरि॒ति
 दा॒स-प॑त्नीः । अ॒धूनु॑तमि॒त्यधू॑नुतम् ॥ सा॒कमे॑के॒न । ए॒केन॑ क॒र्मणा॑ ।
 क॒र्मणे॑ति॒ क॒र्मणा॑ ॥ शु॒चि॒म् नु॑ । नु॑ स्तो॒मम् ।
 स्तो॒मम् न॒वजा॑तम् । न॒वजा॑तम॒द्य । न॒वजा॑तमि॒ति न॒व - जा॑तम् ।
 अ॒द्येन्द्रा॒ग्नी । इन्द्रा॒ग्नी वृ॒त्रह॑णा । इन्द्रा॒ग्नी इतीन्द्र॑ - अ॒ग्नी ।

वृ॒त्र॒ह॒णा जु॒षे॒था॒म् । वृ॒त्र॒ह॒णे॒ति वृ॒त्र - ह॒ना ।

जु॒षे॒था॒मि॒ति जु॒षे॒था॒म् । 25 (50/61)

T.S.1.1.14.2 - Kramam

उ॒भा हि । हि वा॒म् । वा॒ञ् सु॒ह॒वा । सु॒ह॒वा जो॒ह॒वी॒मि । सु॒ह॒वे॒ति
सु॒-ह॒वा । जो॒ह॒वी॒मि ता । ता वा॒ज॒म् । वा॒ज॒ञ् स॒द्यः । स॒द्य उ॒श॒ते ।
उ॒श॒ते धे॒ष्ठा । धे॒ष्ठे॒ति धे॒ष्ठा ॥ व॒य॒मु । उ॒ त्वा । त्वा प॒थः । प॒थ॒स्प॒ते ।
प॒ते र॒थ॒म् । र॒थ॒म् न । न वा॒ज॒सा॒त॒ये । वा॒ज॒सा॒त॒य इति
वा॒ज - सा॒त॒ये ॥ धि॒ये पू॒ष॒न् । पू॒ष॒न्नु॒ज्म॒हि ।
अ॒यु॒ज्म॒ही॒त्य॒यु॒ज्म॒हि ॥ प॒थ॒स्प॒थः प॒रि॒प॒ति॒म् । प॒थ॒स्प॒थ इति
प॒थः - प॒थः । प॒रि॒प॒तिं व॒च॒स्या । प॒रि॒प॒ति॒मि॒ति प॒रि - प॒ति॒म् ।
व॒च॒स्या का॒मे॒न । का॒मे॒न कृ॒तः । कृ॒तो अ॒भि । अ॒भ्या॒न॒ट् ।
आ॒न॒ड॒र्क॒म् । अ॒र्क॒मि॒त्य॒र्क॒म् ॥ स नः । नो रा॒स॒त् । रा॒स॒च्छु॒रु॒धः ।
शु॒रु॒धश्च॒न्द्रा॒ग्राः । च॒न्द्रा॒ग्रा धि॒य॒न्धि॒य॒म् ।
च॒न्द्रा॒ग्रा इति च॒न्द्र - अ॒ग्राः । धि॒य॒न्धि॒य॒ञ् सी॒ष॒धा॒ति ।
धि॒य॒न्धि॒य॒मि॒ति धि॒य॒म् - धि॒य॒म् । सी॒ष॒धा॒ति प्र । प्र पू॒षा ।
पू॒षे॒ति पू॒षा ॥ क्षे॒त्र॒स्य॒ प॒ति॒ना । प॒ति॒ना व॒य॒म् । व॒य॒ञ् हि॒ते॒न ।

हि॒ते॒ने॒व । इ॒व ज॒याम॑सि । ज॒याम॑सीति ज॒याम॑सि ॥ गा॒मश्च॑म् ।
अ॒श्वम् पो॑षयि॒न्नु । पो॑षयि॒त्वा । आ सः । स नः ।

नो मृ॒डाति॑ । 26 (50/55)

T.S.1.1.14.3 - Kramam

मृ॒डाती॑दृ॒शे ॥ ई॒दृ॒श इती॑दृ॒शे ॥ क्षे॒त्रस्य॑ प॒ते । प॒ते म॑धु॒मन्त॑म् ।
म॑धु॒मन्त॑मूर्मि॒म् । म॑धु॒मन्त॑मिति म॑धु-मन्त॑म् । ऊ॒र्मिं धे॑नुः । धे॒नुरि॑व ।
इ॒व प॑यः । प॒यो अ॒स्मासु॑ । अ॒स्मासु॑ धु॒क्ष्व । धु॒क्ष्वेति॑ धु॒क्ष्व ॥
म॑धु॒श्रुत॑म् घृ॒तम् । म॑धु॒श्रुत॑मिति म॑धु - श्रु॒तम् । घृ॒तमि॑व ।
इ॒व सु॑पू॒तम् । सु॑पू॒तमृ॒तस्य॑ । सु॑पू॒तमिति॑ सु - पू॒तम् । ऋ॒तस्य॑ नः ।
नः प॑तयः । प॒तयो मृ॒डय॑न्तु । मृ॒डय॑न्त्विति मृ॒डय॑न्तु ॥ अ॒ग्ने न॑य ।
न॑य सु॒पथा॑ ॥ सु॒पथा॑ रा॒ये । सु॒पथे॑ति सु - पथा॑ । रा॒ये अ॒स्मान् ।
अ॒स्मान् वि॒श्वानि॑ । वि॒श्वानि॑ दे॒व । दे॒व व॑यु॒नानि॑ । व॑यु॒नानि॑ वि॒द्वान् ।
वि॒द्वानिति॑ वि॒द्वान् ॥ यु॒यो॒ध्यस्म॑त् । अ॒स्मज्जु॑हु॒राण॑म् । जु॒हु॒राण॑मे॒नः ।
ए॒नो भू॑यि॒ष्ठाम् । भू॑यि॒ष्ठाम् ते । ते न॑म॒उक्ति॑म् । न॑म॒उक्तिं॑ वि॒धेम॑ ।
न॑म॒उक्ति॑मिति न॑मः - उ॒क्तिम् । वि॒धेमे॑ति वि॒धेम॑ ॥ आ दे॒वाना॑म् ।
दे॒वाना॑मपि । अ॒पि प॑न्था॒म् । प॑न्था॒मग॑न्म । अ॒गन्म॑ यत् ।

यच्छक्नवाम । शक्नवाम तत् । तदनु । अनु प्रवोदुम् ।
 प्रवोदुमिति प्र - वोदुम् ॥ अगिर्विद्वान् । विद्वान्त् सः । स यजात् ।
 यजात् सः । 27 (50/55)

T.S.1.1.14.4 - Kramam

सेत् । इदु । उ होता । होता सः । सो अद्ध्वरान् । अद्ध्वरान्त् सः ।
 स ऋतून् । ऋतून् कल्पयाति । कल्पयातीति कल्पयाति ॥ यद्वाहिष्ठम् ।
 वाहिष्ठम् तत् । तदग्नये । अग्नये बृहत् । बृहदर्च । अर्च विभावसो ।
 विभावसो इति विभा - वसो ॥ महिषीव । इव त्वत् । त्वद् रयिः ।
 रयिस्त्वत् । त्वद्वाजाः । वाजा उत् । उदीरते । ईरत इतीरते ॥ अग्ने
 त्वम् । त्वम् पारय । पारया नव्यः । नव्यो अस्मान् । अस्मान्त्
 स्वस्तिभिः । स्वस्तिभिरिति । स्वस्तिभिरिति स्वस्ति - भिः । अति
 दुर्गाणि । दुर्गाणि विश्वा । दुर्गाणीति दुः - गानि । विश्वेति विश्वा ॥
 पूश्च । च पृथ्वी । पृथ्वी बहुला । बहुला नः । न उर्वी । उर्वी भव ।
 भवा तोकाय । तोकाय तनयाय । तनयाय शम् । शं योः ।
 योरिति योः ॥ त्वमग्ने । अग्ने व्रतपाः । व्रतपा असि ।
 व्रतपा इति व्रत - पाः । असि देवः । देव आ () । आ मर्त्येषु ।

प्रथम काण्डे-प्रथमः प्रश्नः-(TS 1.1)

म॒र्त्येष॑वा । ए॒त्या ॥ त्वं य॑ज्ञेषु । य॒ज्ञेष्वी॑ड्यः । ई॒ड्य इ॒तीड्यः ॥
य॒द्वः । वो व॑यम् । व॒यम् प्र॑मिनाम् । प्र॒मिना॑म् व्र॒तानि॑ ।
प्र॒मिना॑मेति प्र - मि॒नाम् । व्र॒तानि॑ वि॒दुषाम्॑ । वि॒दुषाम्॑ दे॒वाः । दे॒वा
अ॒विदु॑ष्टरा॒सः । अ॒विदु॑ष्टरा॒स इत्य॑वि॒दुः-त॒रा॒सः ॥ अ॒ग्नि॑ष्टत् । तद्वि॒श्वम् ।
वि॒श्व मा॑ । आ पृ॑णाति । पृ॒णाति॑ वि॒द्वान् । वि॒द्वान् ये॒भिः । ये॒भिर्दे॑वान् ।
दे॒वा ऋ॒तुभिः॑ । ऋ॒तुभिः॑ क॒ल्पया॑ति । ऋ॒तुभि॑रि॒त्युतु॑ - भिः ।
क॒ल्पया॑तीति क॒ल्पया॑ति ॥ 28 (73/78)

(जु॒षे॒थामा॑ - सा नो॑ - य॒जा - दा - त्रयो॑वि॒ंशति॑श्च) (A14)

Prasna Korvai with starting Padams of 1 to 14 Anuvaakams :-

(इ॒षे त्वा॑ - य॒ज्ञस्य॑ - शु॒न्धध्वं॑ - क॒र्मणे॑ वां - दे॒वो -
ज्व॒धूतं॑ - धु॒ष्टिः - सं व॑पा - म्या द॑दे - प्र॒त्युष्टं॑ - कृ॒ष्णो॒ऽसि॑ -
भु॒वन॑म॒सि - वा॒जस्यो॑भा वां - चतु॑र्दश ।)

Korvai with starting Padams of 1, 11, 21 Series of Panchaatis :-

(इ॒षे - दृ॒ह - भु॒वन - म॒ष्टावि॑ंशतिः ।)

तैत्तिरीय संहिता क्रम पाठे (TS 1.1)

First and Last Padam of First Prasnam :-

(इ॒षे त्वा॑ – क॒ल्पया॑ति ।)

॥ हरिः॑ ओं ॥

॥ प्रथम काण्डे प्रथमः प्रश्नः क्रमपाठः समाप्तः ॥

प्रथम काण्डे-प्रथमः प्रश्नः-(TS 1.1)

Details of Panchati , Padam and Krama Vaakyams for Kandam 1 – Prasanam 1 – (TS 1.1)

	Panchati	Padams	Krama Vaakyams
Anuvakam 1	1	43	49
Anuvakam 2	2	88	105
Anuvakam 3	1	58	69
Anuvakam 4	2	96	109
Anuvakam 5	2	111	133
Anuvakam 6	1	65	74
Anuvakam 7	2	98	115
Anuvakam 8	1	72	83
Anuvakam 9	3	161	185
Anuvakam 10	3	166	191
Anuvakam 11	2	115	136
Anuvakam 12	1	71	82
Anuvakam 13	3	163	191
Anuvakam 14	4	223	249
	28	1530	1771